



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მესხია შოთა ამბაკოს ძე

მესხია შოთა ამბაკოს ძე (27. IV. 1916, სოფ. ობუჯი, ახლანდ. წალენჯიხის მუნიციპალიტეტი, — 15. V. 1972, თბილისი), ისტორიკოსი. ისტ. მეცნ. დოქტორი (1955), პროფესორი (1957), საქართვე. მეცნ. აკადემიის წ.-კორ. (1967), საქართვე. მეცნიერების დამს. მოღვაწე (1967). დაამთავრა თსუ-ის ისტ. ფაკ-ტი (1937). 1941-42 მონაწილეობდა II მსოფლიო ომში. 1942-იდან იყო ენიმკის უფრ. მეცნიერი თანამშრომელი, 1943-იდან მოღვაწეობდა თსუ-ის საქართვე. ისტ. კათედრაზე (1956-იდან გარდაცვალებამდე კათედრის გამგე), ისტ. ფაკ-ტის დეკანი (1961-იდან).

მ. იკვლევდა შუა საუკ. საქართვე. სოც.-ეკონ. და პოლიტ. ისტ. საკითხებს, ქალაქების ისტორიასა და საქალაქო წყობას, წყაროთმცოდნეობისა და ისტორიოგრაფიის პრობლემებს, რუსეთ-საქართვე. ურთიერთობების ისტორიას. მ-ს ნაშრომს „ძლევაჲ საკვირველი“ მიენიჭა ს. ჯანაშიას სახ. პრემია (1974). იყო საქართვე. ისტ. ნარკვევების II ტომის რედაქტორი, II და III ტომებში – არაერთი მნიშვნელოვანი თავის ავტორი (სახელმწ. პრემია, 1982, სიკვდილის შემდეგ). მიღებული აქვს სახელმწ. ჯილდოები.

მ-ს პირადი არქივი დაცულია ხელნაწერთა ეროვნ. ცენტრში.

დაკრძალულია მწერალთა და საბ. მოღვაწეთა დიდუბის პანთეონში.

თხზ.: თბილისის ისტორია, თბ., 1958 (თანაავტ.); საქალაქო კომუნა შუა საუკუნეების თბილისში, თბ., 1962; საშინაო პოლიტიკური ვითარება და სამოხელეო წყობა XII საუკუნის საქართველოში, თბ., 1979; საისტორიო ძიებანი სამ ტომად, ტ. 1, თბ., 1982; Города и городской строй феодальной Грузии (XVII-XVIII вв.), Тб., 1959; Из истории русско-

грузинских взаимоотношений X–XVIII вв., Тб., 1958 (თანაავტ.: Я. З. Цинцадзе).

ლიტ.: მ ე ტ რ ე ვ ე ლ ი რ., შოთა მესხია, თბ., 1976.

რ. მებრეველი
